

Skupština Kantona Sarajevo

Admela Hodžić, zastupnica u Skupštini Kantona Sarajevo

Sarajevo, 07.01.2026. godine

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

N/r predsjedavajućeg

Vlada Kantona Sarajevo

N/r premijera

Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo

Ministarstvo za rad, socijalnu politiku, raseljena lica i izbjeglice Kantona Sarajevo

KJKP "Rad" d.o.o. Sarajevo

KJKP "Park" d.o.o. Sarajevo

JU "Služba za zapošljavanje Kantona Sarajevo" Sarajevo

ZASTUPNIČKA INICIJATIVA

Na osnovu čl. 106 i 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka i 47/24) podnosim inicijativu Vladi Kantona Sarajevo i nadležnim resornim ministarstvima Kantona Sarajevo da se poduzmu sve potrebne mjere i radnje za pokretanje Programa "Javni radovi" za čišćenje snijega, odnosno još jednog projekata na koji će se preduzeća **KJKP "Park" d.o.o. Sarajevo** i **KJKP "Rad" d.o.o. Sarajevo** prijaviti, te kao poslodavci putem Službe za zapošljavanje Kantona Sarajevo zatražiti angažman 200 nezaposleni osoba u ovim preduzećima na komunalnim poslovima za čišćenje snijega.

Obrazloženje:

Obzirom da se u sezoni hortikulturnih poslova na sličan način angažuje određeni broj radnika koji su na evidenciji Službe za zapošljavanje Kantona Sarajevo, ovom

inicijativom tražim da se na isti ili sličan način svake godine angažuje i određeni broj radnika kroz slične programe za čišćenje snijega.

Postavlja se pitanje da li su Kantonalna uprava civilne zaštite Kantona Sarajevo i Štab civilne zaštite Kantona Sarajevo uradili sve operativno pravovremeno, odnosno sve po važećim propisima (osim saopštenja Štaba CZ u vidu “preporuka”) i da li su reagovali u skladu sa nadležnostima propisanim Zakonom o zaštiti i spašavanju ljudi i materijalnih dobara od prirodnih i drugih nesreća (“Službene novine Federacije BiH“, br.:39/03, 22/06 i 43/10)?-u daljem tekstu Zakon

Naime, od prvog dana padavina sva koordinacija bi operativno trebala biti vođena od strane Kantonalne uprave civilne zaštite Kantona Sarajevo i Štaba civilne zaštite Kantona Sarajevo, s obzirom na to da se radi o snijegu i snježnim nanosima koji su zahvatili cijeli Kanton a ne pojedine općine Kantona Sarajevo i da je u blokadi bio saobraćaj općenito, kako za vozila tako i za pješake.

- U članu 3. Zakon jasno prepoznaje snijeg i snježne nanose kao prirodnu nepogodu i stvara osnov za djelovanje organa civilne zaštite.

- Članovi 134. 135. 136. i 139. Zakona jasno propisuje da samostalno kantonalne uprave civilne zaštite i štabovi civilne zaštite mogu djelovati i kada nije nastupilo stanje prirodne i druge nesreće, odnosno kada zaprijeti neposredna opasnost od nastanka prirodne nesreće, a što evidentno nije učinjeno, jer nema niti jedne zvanične naredbe, koordinacije rada KJKP „Park“ d.o.o. Sarajevo i KJKP „Rad“ d.o.o. Sarajevo, kao i drugih firmi i ustanova, što se pokazalo kao pogubno, jer je jasno da KJKP Park i Rad ne mogu samostalno djelovati i sve očistiti obzirom na obim padavina i leda. Izostala je potpuna koordinacija, instrukcija naredbi i preuzimanje odgovornosti onih koji bi to to trebali, a za Kanton Sarajevo je to primarno KUCZ KS, kao i angažovnje ljudi na ručnom rasčišćavanju snijega i leda.

Sve navedeno jasno predstavlja osnov da Kantonalna uprava civilne zaštite Kantona Sarajevo i Štab civilne zaštite Kantona Sarajevo izdaju naredbe od prvog dana padavina (čak i dan ranije jer su padavine bile najavljene) na mobilizaciju službi CZ u KS poput KJKP „Park“ d.o.o. Sarajevo, KJKP „Rad“ d.o.o. Sarajevo, i da se angažuju ljudi iz drugih

kantonalnih službi, poput Sarajevo-Šuma i da se sve kordiniše i vodi od strane KUCZ KS, a ne svaka firma pojedinačno i svaka općina pojedinačno štoje dovelo do posljedica.

Pored svega navedenog Kantonalna uprava civilne zaštite Kantona Sarajevo i Štab civilne zaštite Kantona Sarajevo nisu raspisali hitni javni poziv za nezaposlena, ali i druga lica kako bi fizički rasčišćavali prugu, stajališta, pješačke staze i druge dijelove Kantona ili ih direktno pozvali sa evidencije Službe za zapošljavanje KS, kako Zakon predviđa u ovakvim i sličnim situacijama, a taj angažman bi se mogao realizovati putem ugovora o djelu.

Imajući u vidu da Federalno ministarstvo rada i socijalne politike ima obzbiježena sredstva za javne radove namijenjena za ove i slične potrebe, te JU Služba za zapošljavanje Kantona Sarajevo može koristiti sredstva i za ovaj projekat ako eventualno nedostaju ista.

Zbog svega navedenog, pokrećem ovu inicijativu u cilju iznalaženja najboljeg mogućeg rješenja za čišćenje snijega usljed obilnih padavina na isti način, kako to radimo ljeti javnim pozivom u sezoni za obavljanje hortikulturnih poslova.

Molim nadležne da što prije razmotre ovu inicijativu i pokrenu aktivnosti za realizaciju.

Sarajevo, 07.01.2026. godine

Admela Hodžić